



Radøy sokneråd  
Idrettsvegen 1  
5936 MANGER

Dato: 22.03.2018

Vår ref: 17/05653-14

Dykkar ref:

## Manger gravplass - godkjenning av reiskapshus

Vi viser til dykker e-post dagsett 20. september med søknad om godkjenning av eit nytt bygg for reiskap og maskiner på gravplassen ved Manger kyrkje.

Etter gravferdslova § 4 vert det kravd godkjenning av bispedømerådet ved vesentlege endringar av ein gravplass. Etter kyrkjelova § 21 5. og 6. ledd vert det vidare kravd godkjenning av biskopen for bygging nærmere kyrkja enn 60 meter. Både Bjørgvin bispedømeråd og Bjørgvin biskop skal difor behandla saka.

Som ein del av saksbehandlinga har saka vore sendt til fråsegn hjå rådgjevar for gravplassaker. Ho skriv m.a.: *Det er ikkje opplyst om farge på det nye reiskapshuset. Manger kyrkje ei listeført kyrkje frå 1891 og ho har kvitmåla, liggande panel. Reiskapshuset bør underordne seg kyrkjebygget i både storleik, utforming og fargesetting. Eg vil difor tilrå å velje ein annan farge enn kvit og helst ein jordfarge som gjer at reiskapshuset vert en naturleg del av gravplassen og omgjevnadene.*

Sidan dette huset ligg nærmere kyrkja enn 60 m og Manger kyrkje er listeført som verneverdig, har vi også bede om ei fråsegn frå Hordaland fylkeskommune. I brev dagsett 8. desember skriv dei mellom anna:

*Kyrkestaden på Manger er sårbar for inngrep. Kyrkja ligg sentralt ved kommunenesenteret. Hordaland fylkeskommune viser til at omsøkt tiltak ligg like ved Manger kyrkje som er ei listeført kyrkje frå 1891. Kyrkja og kyrkja sine omgjevnadar har soleis regional og nasjonal verdi.*

*Det nye reiskapshuset skal huse reiskap og maskiner på gravplassen, og inneholder dobbel garasje, verkstad, toalett, gang og bod/kott. Huset vil bli ein del av det samla kulturmiljøet og er plassert i utkanten av gravplassen i austre hjørne. Det er omlag 35 meter mellom kyrkjebygget og omsøkt reiskapshus, og har ein grunnflate på 8x12m.*

*Det er sendt inn teiknemateriale til handsaming som vi ikkje har merknader til med omsyn plassering og bruk. Når det gjeld utforming meiner vi at det omsøkte tiltaket ikkje er godt nok tilpassa kulturmiljøet rundt kyrkja. Det må stillast krav om fagkompetanse for å sikre kvalitet i utforming og detaljering, slik at byggetiltaket tek nok omsyn til det samla kulturmiljøet rundt kyrkja.*

*Vi er positive til at det vert tilrettelagt for reiskapshus, med ein tilbaketrekt plassering i utkanten av gravplassen, men det bør leggjast til rette for ein enklare tilkomst for kjøretøy til reiskapshuset. Det er uehdig at tilkomsten med kjøretøy går gjennom heile gravplassen.*

*Vi ber om at kyrkjeleg fellesråd ser til reiskapshuset ved Hordabø kyrkje, som eit godt døme på tilpassing med kvalitet i utforming og detaljering.*

*Vi oppmodar difor søkjar om å finne alternativ utforming for tiltaket, som er tilpassa kyrkja og kyrkja sine omgjevnader på Manger.*

Etter denne tilbakemeldinga frå fylkeskommunen, har vi i brev dagsett 5. januar motteke nye teikningar frå dykk v/ Hammar-Kameratane AS og merknad om at køyrevegen alt var oppretta frå REMA 1000-eigedomen aust for kyrkja.

I telefonsamtale med Hordaland fylkeskommune sin saksbehandlar 23. februar gjev ho uttrykk for at fylkeskommunen er positiv til teikningane med skifer på taket, stein på delar av veggen og køyreveg frå p-plass ved REMA. Dei ber om at ein arbeider litt meir med vindauge som har litt for store flater.

Nye teikningar med ruteglas i vindauge vart motteke frå dykk 28. februar. Hordaland fylkeskommune kommenterer i e-post 23. mars at vindauge no ser bra ut, men at dei må ha gjennomgåande sprosser og sidehengsla vindauge.

Når det gjeld farge på bygget, ber vi om å få tilsendt kva farge de tenker å brukha, den må godkjennast av biskopen. Det er likevel ikkje noko hinder for å gå vidare med planar og oppføring av bygget.

Med desse merknadane godkjenner Bjørgvin bispedømeråd søknaden om reiskapshus ved Manger kyrkje. Godkjenninga er gjort med heimel i lov om kirkegårder, kremasjon og gravferd av 7. juni 1996 § 4. Biskopen godkjenner også tiltaket. Vedtaket er gjort med heimel i kyrkjelova § 21 og delegasjonsskriv frå departementet av 15 april 2000. Vedtaket kan klagast til Kulturdepartementet seinast tre veker etter at det er motteke, jf forvaltningslova § 29. Ein slik klage skal sendast om biskopen.

Med helsing

Tore Skjæveland  
kyrkjefagsjef

Jens Z. Meyer  
seniorrådgjevar

*Dokumentet er elektronisk godkjend og har difor ingen signatur.*

Kopi til:  
Riksantikvaren  
Hordaland fylkeskommune

Pb. 8196 Dep  
Pb 7900

0034 OSLO  
5020 BERGEN

Mottakarar:  
Radøy soknerråd

Idrettsvegen 1  
5936 MANGER